



KEMENTERIAN PENDIDIKAN TINGGI
JABATAN PENDIDIKAN POLITEKNIK DAN KOLEJ KOMUNITI

SIARAN MEDIA

JPPKK HASRAT LAHIR KERJASAMA DENGAN PRESIDENCY UNIVERSITY, INDIA

BENGALURU, 19 OKTOBER 2023 – Jabatan Pendidikan Politeknik dan Kolej Komuniti (JPPKK), Kementerian Pendidikan Tinggi (KPT) bakal memperluas kerjasama antarabangsa bersama Presidency University, India khususnya bagi memperkasa Pendidikan dan Latihan Teknikal dan Vokasional (TVET).

Ketua Pengarah Pendidikan Politeknik dan Kolej Komuniti, Dr. Mohd Zahari Ismail, berkata kedua-dua pihak bersetuju untuk bekerjasama dalam aspek pertukaran pelajar, penyelidikan, bahasa dan budaya serta kerjasama industri.

“Presidency University telahpun mempunyai hubungan erat dengan beberapa buah universiti awam dan swasta di negara kita dan kini ke arah memperluas kerjasama dengan pihak Politeknik dan Kolej Komuniti terutamanya dalam bidang teknologi digital.”

Dr. Mohd Zahari bertemu dengan Naib Canselor Presidency University Dr. D. Subhakar ketika menghadiri Asian Summit on Education & Skills (ASES) 2023 yang diadakan di Bengaluru, India.

Beliau yang juga mewakili Menteri Pendidikan Tinggi, Datuk Seri Mohamed Khaled Nordin ke sidang kemuncak tersebut berkata, KPT bergerak seiring dengan negara-negara lain dalam bidang TVET bahkan dalam sesetengah perkara Malaysia adalah terkehadapan.

ASES merupakan persidangan yang menghimpunkan menteri dan pegawai kanan sektor pendidikan dan kemahiran dari seluruh dunia.

Pelbagai isu dibincangkan termasuklah keciciran pelajar, kos pengajian, kebolehpasaran dan gaji.

Deligasi Malaysia turut disertai Pengarah Bahagian Kordinasi TVET, JPPKK, Dr. Norhayati Ibrahim dan Ketua Penolong Setiausaha Bahagian Hubungan Antarabangsa KPT, Noorfazlina Mohd Shahid.

-TAMAT-

**JABATAN PENDIDIKAN POLITEKNIK DAN KOLEJ KOMUNITI
KEMENTERIAN PENDIDIKAN TINGGI
19 OKTOBER 2023**

LAMPIRAN BERGAMBAR



KAPSYEN: Dr. Mohd Zahari Ismail dan Delegasi Malaysia bersama Naib Canselor Presidency University, Dr. D. Subhakar ketika menghadiri Asian Summit on Education & Skills (ASES) 2023 yang diadakan di Bengaluru, India.



KAPSYEN: Dr. Mohd Zahari Ismail dan Delegasi Malaysia bersama Naib Canselor Presidency University, Dr. D. Subhakar ketika menghadiri Asian Summit on Education & Skills (ASES) 2023 yang diadakan di Bengaluru, India.